



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Epistola XIII. Caelestini Papae III. Ad Lincolniensem Episcopvm. Eiusdem
argumenti.

urn:nbn:de:hbz:466:1-15974

EPISTOLA XIII.

CÆLESTINI PAPÆ III.

AD LINCOLNIENSEM EPISCOPVM.

Eiusdem argumenti.

*Cælestinus episcopus seruus seruorum Dei venerabili fratri Lincolnensi episcopo, & dilectis filiis archidiacono de Northampton, & priori de Ponte *fratō, salutem & apostolicam benedictionem.*

CV M sacrosancta Romana ecclesia super immobile fundementum, lapidem scilicet angularem & verum, perpetua stabilitate fundata, de se ipsa Veritate dicente, *Super hanc petram ædificabo ecclesiam meam*, per beati Petri Math. 16. merita ecclesiarum omnium magisterium cepit & primatum, ad principem apostolorum Domino protestante, *Si diligis me, pasce oves meas*, & non solum corporum, Ioan. 21. sed etiam animarum iudiciariam accepit potestatem; eodem apostolorum principe audiente a Domino: *Quodcumque ligaueris super terram, erit ligatum in celis: nos, quos non propria merita, sed sola diuina miseratio ad summi pontificatus apicem euocauit, si iudicia nostra recta volumus & prouida deliberatione formare, & potestate nobis tradita non abuti, illius debemus, quantum humana permittit fragilitas, exempla sectari, in quo sedes apostolica fundata consistit, & a quo ceterarum ecclesiarum curam suscepit & ligandi atque soluendi plenitudinem potestatis. Mirabilis enim super omnia Deus, & inscrutabilis diuini consilii altitudo, licet incomprehensibilia sint iudicia eius, & inuestigabiles viæ ipsius, aliquid tamen ex his, quæ in inferioribus operatur, si recte conspicimus, nobis & aliis ecclesiarū prælatis in forma iudicii innuit imitandum, qui cum sterilem arborem de vinea sua, iuxta illum euangelii, præceperit succidendam, ne terram fertilem occuparet, præmisit dicens: Ecce tres anni sunt, ex quo venio quærens fructum in ficalnea hac, & non inuenio; succide ergo illam.* Hoc siquidem nos, licet minimi, & humanæ fragilitatis subiacentes defectibus, intra nosipso assidua meditatione pensantes, auditis excessibus Eboracensis archiepiscopi, & de inhonestâ vita, & de inutili conuersa-

Concil. Tom. 28.

I ij

tione eius rumoribus in nostra & fratrum nostrorum audiencia recitatis, non statim formauimus iudicium contra eum, sed exemplo illius, cuius miserationes super cetera opera eius, ut sterilis arbor pullularet in fructus, & vigorem recuperet iam amissum, non modico temporis spatio ad correctionem ipsius, multiplicatis literis & mandatis non destitimus laborare; nunc eum ad viam salutis nostris monitis reuocantes, nunc per interminationem suspensionis officii & beneficii deterrentes ab iniquitatis sua semitis & erroris, sicut vobis qui totam rei seriem & processum negotii quoad ordinem agnouisti credimus manifestum. Sane ad audientiam nostram ex personarum & capituli Eboracensis ecclesiae insinuatione peruenit, & idipsum dilectorum nostrorum Roberti de Eboraco & Rogeri de Selebi, & aliorum vndecim abbatum Præmonstratensis ordinis testimonia manifeſtare videntur, quod Gaufridus Eboracensis archiepiscopus sacramenta iniuncti sibi officii vilipendens, venatione, aucupio, & aliis militaribus curis inutiliter occupatus, ordinationi clericorum, ecclesiarum dedicationibus, aut Synodis celebrandis, nec manum nec operam post sui promotionem adhibuit, nec abbatem aliquem benedixit, licet tam contra clericos quam abbates ad maledicendum & excommunicandum linguam consueuerit iuxta motum proprium indiscrete laxare. Libertates ecclesiae suæ, ac consuetudines approbatas euacuat ac subuertit; appellations, quæ solent esse ad remedium oppressorum, ad Romanæ sedis iniuriam reduxit in contemptum: & plures pro eo quod ad nos appellationem emiserant vinculis fecit carceribus vehementer adstringi. Personas ecclesiae suæ post appellationem ad nos factam honoribus & beneficiis spoliauit; quosdam canonicorum appellatione contempta excommunicationi subiecit: priuilegia Romanorū pontificum in eius præsentia sua omnino auctoritate frustrantur: & qui forte alias tutus esset, in ostensione priuilegii nostri, optati coram eo præsidii beneficium demeretur. Cum contingit aliquem ad subtractam sibi ecclesiam vel possessionem per iudices delegatos auctoritate nostra restituī, eum, per quem iudicium debuerat executioni mandari, statim sentiet inimicum. Plures enim taliter restitu-

tos destituit, & ecclesias suas per ministros suos violenter aggrediens fores earum fregisse, & eos proponuntur per violentiam expulisse: quamplures reatum periurii fecit perniciose incurrere: ipsos ab obedientia, quam archidiaconis suis canonice seruandam iuramento promiserant, quadam necessitatis violentia retrahendo: præterea maiorem ecclesiam cum multitudine armatorum aggrediens, fores capituli per violentiam confringi & asportari fecit, & bona canonicorum & clericorum plurium, qui res suas tam in ecclesia quam in thesauraria ibi deposuerant, fecit per potentiam detineri: pro quibus omnibus Eboracense capitulum ad nostram præsentiam appellauit. Comperimus etiam ex testimonio prædictorum, quod ecclesiis quandoque vacantibus præsentatas sibi ab his ad quos præsentatio pertinet personas idoneas non admittit; sed eas aut pueris & minus honestis personis assignat, usus pariter & præsentantis & instituentis officio, aut facit eas de sola voluntate vacare, ut earum fructus usibus ipsius applicentur, & quod sustentationi alicuius honesti clerici debebatur sibi non metuit retinere. Adiecerunt etiam, quod cum spiritualia dona gratis debeant & sine prauitate distribui, frequenter cum donat ecclesiam, aut eam scindit per partes contra statuta canonica, vel in ea sibi nouam & indebitam retinet * possessionem, & quamplures excommunicatos, vel suspensos, non nisi pecunia interueniente absoluunt: religiosi vero & honesti viri in conspectu eius despecti & contemptibiles fiunt; viles & suspectæ personæ de facili familiaritatem eius & gratiam assequuntur. Nos vero de rumoribus tam profanis auditis non semel, sed saepius, & tam prædictorum quam aliorum prælatorum in regno Angliae, & in Eboracensi prouincia positorum literis nostris auribus frequentius inculcatis volentes eum a suis excessibus detergere, & ad exequendum pastoralis officii debitum reuocare, inquisitionem famæ ipsius vobis duximus committendam, vt conuocatis abbatibus, & prioribus, & aliis ecclesiasticis personis Eboracensis diœcesis, inquireretis de præmissis diligentius veritatem, & si accusatores legitimi procederent contra eum, auditis quæ proponerentur hinc & inde, & depositionibus testium redactis in scriptis, eas sigillo-

I iiij

rum vestrorum signatas munimine ad sedem apostolicam transmittere deberetis; assignato partibus termino competenti, quo ad audiendam sententiam nostro se conspectui præsentarent. Hoc etiam iisdem literis meminimus fuisse insertum, vt deficientibus accusatoribus, si fama publica faceret contra eum, purgationem ipsius cum tribus episcopis & totidem abbatibus, sublato appellationis obstaculo, indicere curetis. In qua si forte deficeret, ipsum ab archiepiscopali officio & administratione suspensum nostro faceretis conspectui præsentari; si vero archiepiscopus memoratus, antequam citatio vestra perueniret ad ipsum, ad sedem apostolicam appellaret, inducis ei trium mensium indulxit, si infra eos interpositam appellationem prosequi negligeret vel differret, ipsum ab omni pontificali officio & archiepiscopatus administratione nostra nuntiaretis auctoritate suspensum. Quia vero idem archiepiscopus, antequam per vos citaretur ad causam, sicut nobis suis literis & nuntiis intimauit, sedem curauit apostolicam appellare: & vos ei ad prosequendam appellationem Kalendas Ianuarii pro termino assignastis, ipsius laboribus & expensis parcere disponentes, ac timentes, si æstiuo tempore ad Vrbem accederet, aliquod personæ ipsius ex aeris inclemencia periculū proueniret, cum, sicut nobis intimatum fuerat, iter arripuisse ad sedem apostolicam veniendi, & paratus existeret de obiectis sibi criminibus respondere, de solita sedis apostolica benignitate prosequendæ appellationis ab ipso usque ad octauas beati Martini proximo præterituras terminum duximus prorogandum; omnia quæ fuerunt contra eum impetrata usque ad eundem terminum suspendentes, & reuocantes in statum pristinum quidquid contra eum post appellationem ad nos interpositam priorum literarum obtenuit fuisse a nobis vel aliis immutatum. Vobis etiam per apostolica scripta distincte mandauimus, vt, nisi in octauis sancti Martini nostro conspectui se præsentaret, iuxta formam primæ commissionis, sublato cuiuslibet contradictionis & appellationis obstaculo, procedere nullatenus differretis. Verum quoniam memoratus archiepiscopus abusus patientia nostra, nec ad Romanam ecclesiam accessit, nec responsalem aliquem destinauit,

qui vel eius absentiam excusaret, cum eum non modicum ultra præfixum sibi terminum misericorditer curauerimus expectare, licet eo ipso videatur confessus de criminе, quod nostro se conspectui præsentare neglexit, ipsum ab vſu pallii, & omnis episcopalی officіi executione, a ministratiōne quoque tam spiritualium quam temporalium, & beneficiorum perceptione ipsius Eboracensis ecclesiæ, & prouinciæ duximus suspendendum; vt sic saltē a suæ iniquitatis pertinacia resipiscens canonicae seueritatis censuram in ſe non exigat fortius exerceri. Ideoque discretiōni vestræ per apostolica scripta mandamus, atque præcipimus, quatenus eum per omnes ecclesiās Eboracensis diœcēſis & prouinciæ ſuspensum a nobis publice nuntietis: omnibus clericis & laicis eiusdem prouinciæ ex parte noſtra firmius iniungentes, ne ipſi archiepiscopo vel officiis eius in temporalibus vel spiritualibus respondere præfumant, donec de ipſo archiepiscopo aliud duxerimus ſtatuendum. Mandamus autem & per vos volumus in Eboracensi diœcēſi nuntiari, vt ſi forſitam inter aliquos quæſtiones moueri contingat, quas ecclesiastico iudicio conueniat terminari, ad audientiam dilecti filii nostri Simoni Eboracensis decani, cui cum confilio canonicorum in eadem ecclesia residentium, & clericorum excefſus committimus corrigendos, & litigantium tam clericorum quam laicorum controuersias decidendas, referant, ipſius iudicium ſucepturi humiliter, & firmiter ſeruaturi. Ad hæc omnia, quæ auctoritate literarum noſtrarum, antequam ad vos ſecundarum notitia perueniſſet, ſuper negotiis eumdem archiepiscopum contingentibus tam reſtitutionibus ablatorum, quam de aliis prouide & ratioñabiliter ſtatiuifſis, rata decreuimus permanere: mandantes vt auctoritate noſtra ſuffulti, ad Eboracensem eccleſiam accedentes, iuxta priorum literarum tenorem, tam in inquisitione famæ, quam reſtitutione ablatorum canoniciſ facienda, nihil minus procedatis, non impediente appellatione vel absentia archiepiscopi memorati, nec obſtantibus literis in primarum literarum præiudicium haçtenus impetratis. Ad hæc, præſentium vobis auctoritate iniungimus, quatenus ſententiam excommunicatio- niſ in quoſdam canonicos, vicarios, clericos & ſeruientes

72 CÆLESTINI PAPÆ III.

canonicorum Eboracensis ecclesiae, ab eodem archiepiscopo post appellationem ad nos interpositam, promulgatam, irritam iudicetis penitus & inanem; ita tamen, ut dictos canonicos & alios in eadem sententia nominatos ad maiorem cautelam auctoritate apostolicæ sedis absoluatis. Omnes autem illos, qui in Benedictum clericum superdicti decani, Gualterum presbyterum, Richardum de Semare, & quinque de Cauel clericos, & alios clericos Eboracensis ecclesiae, manus temerarias iniecerunt, vel qui eis violentiam præceperunt inferri, tamdiu nuntietis, appellatione remota, excommunicationis vinculo detineri, donec passis iniuriam congrue satisfecerint, & cum vestiarum testimonio literarum ad sedem veniant apostolicam absoluendi. Quod si omnes his exequendis nequueritis interesse, duo vestrum ea nihilo minus exequantur. Datum Laterani x. Kalendas Ianuarii, pontificatus nostri anno quinto.

EPISTOLA XIV.

CÆLESTINI PAPÆ III.

AD HVBERTVM CANTVARIENSEM EPISCOPVM.

De negotiis terræ sanctæ.

*Cælestinus episcopus seruus seruorum Dei venerabili fratri Huberto Cantuariensi archiepiscopo, & apostolicæ sedis legato,
salutem & apostolicam benedictionem.*

Ex parte tua in audientia fuit nostra propositum, quod multi sunt in Anglia, qui, ut sepulcrum Domini visitarent, & illi terræ sanctæ in qua steterunt pedes Domini subsidium opportunum conferrent, crucem dominicam assumperunt; & licet votum possint perficere, tamen ab executione eiusdem se subtrahunt in suarum periculum animarum. Sunt etiam quidam, qui licet crucem suscepint; pro paupertate tamen & corporis debilitate, vel alia iusta causa, emissum votum non possunt, sicut conuenit, adimplere. Verum quia quid super his agendum sit circa eos nos duxit fraternitas tua consulendos, auctoritate tibi præsentium respondemus, per apostolica scripta mandantes, quatenus omnes illos, qui votum ta-

le